

Rabu. 19.06.2019

15 Syawal 1440H

Harga: RM1.50
Tel: 1800 22 6787
PP 414/10/2012 (B) 986

KES VIDEO LUCAH KAITKAN MENTERI

Azmin yakin
'orang dalam' mahu
jatuhkannya

Ms.8



DUNIA PERSOAL
KEMATIAN MORSI,
DESAK SIASATAN
BEBAS

Dunia Ms.78

[FOTO ABDULLAH YUSOF/BH]

BH

Berita Harian

MERENTAS GENERASI

WWW.BH.COM.MY

PEMBALAKAN JEJAS HABITAT HAIWAN LIAR

GARIS PANDUAN KAWAL HASIL HUTAN

Kerajaan akan mengeluarkan garis panduan bagi menangani kegiatan pembalakan dan pengeluaran hasil hutan yang tidak terkawal dalam masa terdekat, termasuk mencadangkan pindaan ke atas Akta Perhutanan Negara 1984 bagi memasukkan peruntukan mengenai garis panduan itu, antaranya larangan pengeluaran hasil di tempat sensitif seperti kawasan tадahan air

→ Ms.12

→ ISU

Johor maklum keluasan lokasi minggu depan

Johor Bahru: Menteri Besar, Datuk Dr Sahrudin Jamal akan memaklumkan keluasan hutan yang diluluskan kerajaan Johor bagi tujuan pembalakan terutama di daerah Mersing, minggu depan.

Pengerusi Jawatankuasa Perumahan, Komunikasi dan Multimedia negeri, Dzulkefly Ahmad, berkata Menteri Besar akan mengeluarkan kenyataan mengenai isu berkenaan selepas beliau mempengerusikan mesyuarat EXCO negeri, Rabu depan.

"Menteri Besar akan balik 22 Jun ini (daripada mengerjakan Umrah) dan minggu depan akan diadakan Mesyuarat Jawatankuasa Hasil Bumi dan juga mesyuarat EXCO negeri."

"Kita melihat isu ini sangat penting dan perlukan tindakan segera kerana ia menjaskan alam sekitar dan hutan. Malah, saya sendiri sebagai EXCO melihat ini serius dan buat siasatan hingga ke akar umbi," katanya ketika ditemui selepas majlis menandatangani Memorandum Persefahaman (MoU) antara Pelabuhan Tanjung Pelepas (PTP) dan Terberg Tractors Malaysia (TTM) untuk membekalkan traktor pintar tanpa pemandu, di sini, semalam.

Yang turut hadir, Menteri Pengangkutan, Anthony Loke.

Dzulkefly berkata, kerajaan negeri juga tidak menolak kemungkinan menujuhkan jawatankuasa khas, termasuk membabitkan Suruhanjaya Pencegahan Rasuah Malaysia (SPRM) bagi menyiasat secara menyeluruh kegiatan pembalakan di Mersing.

SUSULAN GAJAH TERANCAM

Garis panduan baharu guna, kawal hasil hutan

→ Jadi rujukan kerajaan negeri, kawal aktiviti pembalakan

Oleh Irwan Shafriyan Ismail
irwansha@NSTP.com.my

■ Putrajaya

Kementerian Air, Tanah dan Sumber Asli akan mengeluarkan satu garis panduan dalam masa terdekat bagi menangani kegiatan pembalakan dan pengekuaran hasil hutan tidak terkawal.

Menterinya, Dr Xavier Jayakumar, berkata pihaknya akan mencadangkan pindaan Akta Perhutanan Negara 1984 bagi

membolehkan garis panduan itu dimasukkan ke dalam akta.

"Kita sedia maklum hal tanah adalah bidang kuasa kerajaan negeri, jadi pemberian kuasa, lesen pembalakan dan sebagainya semua di bawah negeri."

"Tetapi saya sudah minta Jabatan Perhutanan membuat satu garis panduan dalam masa terdekat ini kepada negeri bagaimana hendak menggunakan dan mengeluarkan hasil hutan."

Tiada paksaan

"Garis panduan ini sebagai rujukan kepada kerajaan negeri, (namun) kita tidak boleh paksa kalau kerajaan negeri tidak mahu mengikutinya kerana kita tidak ada kuasa," katanya pada Majlis Kongsi Raya Kementerian Air, Tanah dan Sumber Asli, di sini, semalam.

Xavier berkata, garis panduan berkenaan antara lain menyentuh mengenai kawalan bagi pengekuaran hasil hutan termasuk



Dr Xavier Jayakumar

larangan pengeluaran hasil di kawasan sensitif seperti kawasan tадahan air.

"Garis panduan itu juga akan mengambil contoh negeri Selangor yang tidak memberikan kuasa kepada EXCO negeri membuat keputusan, sebaliknya menerusi Jawatankuasa Khas Siasatan Awam iaitu satu badan bebas yang membuat keputusan dalam isu berkaitan tanah dan hasil hutan sebelum membuat peraturan awam."

"Justeru, kita perlu kerjasama

kerajaan negeri dan Pusat bagi menjayakan garis panduan ini, kalau tidak selama-lamanya kerajaan negeri akan kata ia kuasa mereka untuk tentukan keadaan hutan, hutan mana hendak diwartakan, dan pada akhirnya mereka sewenang-wenangnya melakukan apa sahaja," katanya.

Jejas habitat, kawasan rayau gajah

Baru-baru ini, laporan eksklusif akhbar ini mendedahkan sekurang-kurangnya tiga lokasi di Jalan Jemaluang-Mersing, di Johor dikesan semakin gondol dipercaya akibat kerja pembalakan.

Laporan akhbar ini juga menyebut, kegiatan pembalakan dan penerokaan hutan tidak terkawal mengecilkan kawasan rayau gajah di Johor.

Ini menyebabkan kumpulan hidup liar itu memasuki kampung dan kebun penduduk berhampiran Hutan Simpan Panti, di negeri itu.

Perkayakan semula kawasan penerokaan hutan

Johor Bahru: Konflik gajah dengan penduduk yang semakin serius di Johor boleh dikurangkan menerusi aktiviti memperkayakan semula kawasan pembalakan dan penerokaan hutan di negeri itu.

Aktiviti memperkayakan semula hutan, terutama di kawasan matu atau tempat longgokan balak, antara lain dengan menggemburkan tanah sebelum ditanam pokok dan rumput yang sesuai untuk memulihara habitat hidupan liar, terutama gajah.

Pengarah Jabatan Perlindungan Hidupan Liar dan Taman Negara (PERHILITAN) Johor, Salman Saaban, berkata kerajaan negeri perlu melakukan tindakan itu kerana ia dapat mengoptimalkan kegunaan kawasan terbair selepas aktiviti pembalakan.

Secara ekologi, katanya, gajah boleh menyesuaikan diri di kawasan hutan bekas dibalak kerana banyak spesies tumbuhan yang menjadi makanan haiwan itu seperti pisang hutan, buluh dan tempe.

"Apa yang kita perlu dilakukan ialah memperkayakan semula be-

kas pembalakan dengan menggemburkan tanah dan menanam semula pokok dan rumput yang menjadi lokasi habitat gajah," katanya kepada BH.

Salman berkata, Johor boleh mencantoi Thailand yang mengambil alih kawasan diceroboh di Taman Negara Kuiburi di negara itu dengan membaik pulih kawasan berkenaan.

"Langkah memperkayakan semula habitat membabitkan lebih 1,000 hektar tanah di Thailand berjaya mengurangkan kira-kira 60 peratus gangguan gajah. Ia boleh digunakan pakai di negara ini," katanya.

Beliau mengulas laporan khas BH mengenai pembalakan dan penerokaan hutan tidak terkawal membuatkan kawasan rayau gajah di Johor semakin mengecil menyebabkan kumpulan hidupan liar itu memasuki kampung dan kebun penduduk berhampiran Hutan Simpan Panti.

Pengecilan kawasan rayau itu mengganggu habitat serta menjaskan sumber makanannya selama ini, sedangkan seekor gajah memerlukan lebih 20 kilogram ma-

kanan setiap hari, manakala se-kumpulan gajah memerlukan kawasan rayau kira-kira 100 kilometer persegi.

Konflik serius

Keadaan itu membuatkan konflik gajah dengan penduduk Johor semakin serius sejak lima tahun kebelakangan ini dan kemuncaknya, tiga gajah dewasa berusia antara 18 hingga 22 tahun, mati termakan racun dalam kebun pinggir hutan di Jalan Kampung Sri Timur, Kluang.

Ketika ini, ada antara 120 hingga 160 gajah di Johor daripada anggaran keseluruhan antara 1,400 hingga 1,600 gajah di seluruh Semenanjung dan jumlah itu dijangka terus menurun jika isu konflik gajah dan manusia berterusan.

Mengulas lanjut, beliau berkata, isu gajah di Johor unik kerana habitat haiwan itu terhad berikutnya kawasan dikelilingi penempatan dan hutan berpecah-pecah, selain banyak ladang, berbanding negeri lain seperti Perak, Pahang dan Kelantan yang mempunyai hutan masih luas.

"Dalam tempoh lima bulan pertama tahun ini, sebanyak 15 kampung dikesan menghadapi masalah gangguan gajah dengan kerugian dianggarkan RM200,000," katanya.

Beliau berkata, Santuari Gajah Johor (JES) berdekatan dengan Kampung Lukut dijangka beroperasi akhir tahun ini dalam usaha untuk memperkasakan pengurusan gajah di negeri ini bagi mengurangkan gangguan gajah liar di kawasan pertanian dan penempatan penduduk.

"Projek JES akan menyediakan kawasan padang ragut seluas lebih kurang 10 hektar dan mampu menampung sehingga 20 gajah meragut pada satu-satu masa."



Laporan BH Isnin lalu.